


厚
莊
詩
文
續
集

詩 詩
四 三



平山詩文集

元旦詩懷

歲年兩雪正欲行元日晴明氣爽人皆已更年動興天公亦
相贈長安掃石境舊歲法靈整城酒人持盃北平絕春地也
應推前憶我親

答黃世華金凌旦懷次韻

向來知被思前故人往歲微可飲舊時字有誰過玉海寫經來自
歸市相親君曉曉我三世異地唯長壽一念心知話到先公
聖賢意當靈爽切感山靈

將笑拙先生國平梅花開歲寒以詩來次韻答之

粉黛真社綉盤桓十客得前會本羅心共敢謝詩境建康鼓班



温州市图书馆

WENZHOU LIBRARY



温州市图书馆

WENZHOU LIBRARY

厚莊詩文續集

元旦書懷 己巳

平陽

劉紹寬

次饒

殘年雨雪正兼旬
元日晴明氣象新
人世已更頒朔制
天公猶記履端辰
安排老境書遮眼
決盪愁城酒入脣
遙想北平氈幕地
也應撫節憶衰親

時兒子從軍南苑

答黃懼華金陵見懷次韻

滄桑劫後思前輩
人往風微可歎傷
問字有誰過玉海
寫經空自祕巾箱
羨君琬琰珍三世
異地堦筵奏一堂
令兄胥庵同客金陵
話到先公弘獎意
笛聲淒切感山陽

符笑拈先生聞平陽花朝續集以詩來次韻答之

粉榆舊社續盤桓
十客樽前會亦難
是日到僅八人
敢詡詩壇建旗鼓
祇

憐裸壤飾衣冠引杯量減防添病得句功成強爲歡多難萬方已
如此可能棲息一枝安

次韻黃胥庵登燕子磯望長江作

凌虛俯瞰大江寬激盪長風起怒瀾難向烏衣尋舊壘祇留片石
壓狂湍孤亭危共層波動匹練光生萬里寒話到六朝興廢事青
青北固正愁看

寄袁廷槐

少年敏學老能詩淇澳遺風今見之吐屬自然皆本色清疎不俗
信天資趨時習尙新聲奏望古深嗟雅道衰爲憶伯牙滄海上高
山流水足情移

君賈
海畔

四月詩社小集食鱗魚

鱗魚入饌正時新遺恨彭郎說未真吞吐在喉如作鯁從來多刺

屬風人

寄黃巖柯輔周同年 驊威

憶共上都充貢日公車報罷各歸來 丁酉朝考余與君皆覆試見黜 卅年散櫟人

間老幾度新桑海上栽廣武戰爭悲楚漢輞川酬唱羨王裴 聞君結有

詩社 鷄鳴風雨淒瀟裏可有吟懷及不才

和柯輔周四時讀書歌

春山一角張畫屏 余所居錦屏峯麓 下臨書幌回環青耳根淨聞好鳥語

鼻觀參取奇花馨此時讀書胡不樂春風浩蕩胸懷廓太和方寸

貯氤氳起視庭木皆欣欣

蕉桐山館綠天居小年長日心神舒展簾恰逢新雨過披襟正待

清風徐吾生書淫笑成癖漫捲疎簾看棋弈羲皇世遠如可親南

薰佇奏康斯民

已涼天氣時未寒
書城坐擁身便安
秋意先從簡編覺
商聲欲入鳴琴彈
吾儕讀書肯瓠落
此身垂老功名薄
蒼鷹何事意未平
草間狐兔方縱橫

天地閉塞已成冬
深山大澤方潛龍
文章不求當世貴
吐談幸得知心逢
玩辭觀象占剝復
消息盈虛天可卜
結交笑指青松枝
大塊爲汝迴春姿

五月社集席上有血蚺同人分賦限東韻

介物真么麼
居然異饌充烹纔
湯沃白薦訝血凝
紅採處泥乘橈
撈時浪逐鱧
淋漓經蚤雨
點滴帶腥風
入口含如歆
分肌潤自豐
好和卮酒飲
足佐簋殮饌
賞雋芳筵上
酣吟廣座中
西南正漂杵
百萬化沙蟲

前意未盡復作紀事一首

月午日逢六佳節逾天中城南開社集客座樽非空海髯出所餽
圓小何玲瓏云是名血蚶體微肌肉豐命廚烹之食誤用武火攻
須臾出鼎鑊合口堅珉同搖牙破其殼肉縮不復充舉座大譁笑
烹飪非良工此物多凝血中美含腥風但須熱湯沃略炙加豉葱
登盤味甘脆開口色鮮紅宰夫不更事小試技竟窮筆談紀慶曆
玉堂會羣公麻油煎蛤蜊頭腦俱冬烘社事有常例會散歡未終
分詠賈餘勇次第投詩筒血蚶此命題數典難爲功比類肆徵引
牽附非由衷不如直書事與世資談叢轉瞬六月六又作幽吟蛩
會稽鳴社以蘭亭快閣二題徵詩作此應之

南渡衣冠幾變遷一亭曲水尙依然偶因勝賞羣賢集賴有高文
萬古傳往事低徊江左地清談感喟永和年憂時逸少今猶昔攬

筆誰能續序編

蘭亭

鏡水前橫今快閣放翁晚築舊書巢千年詩老留遺蹟一曲湖光
俯近郊扶杖病身寧有用請纓壯志未能拋請纓見放翁書巢詩羣公此地
登臨日莫但煙霞雜笑嘲快閣

水蜜桃社課限冬韻

芳菲正賞彼華穠况復醴醑美味醲可是抱香風日裏幾多醞釀
待黃蜂

產來嘉種浙之東借韻出產奉化為盛珍重標題一紙封售者紙裹標明產地似飲五

芝元澗水十洲仙客儻相逢十洲記元洲有五芝元澗澗水如蜜漿

瓜霜誰向谷中採萍實恍如江上逢想是種從王母得曾經甜雪
浸溶溶

醪逢周瑾和堪飲醋浸曹公醜怕供此味甘芳誰可擬蜜林檎已

醉千鍾蜜林檎酒名

蔗漿不待大官供齒頰芬流渴解胸我比李侯眞口蜜潤教腹劍
早銷鋒
客行新自返吳淞此物盤中日日供飽啖最誇仙品貴蠟兒蜜父
盡奴傭

哈爾蟆

社課限江韻

蛙蟆充膳饌昔聞惟南邦韓柳入吟詠譏殊俗厖北人亦喜食
癖嗜非少雙我聞哈濱地砭肌冷可憫此物能護熱脂膏擁軀腔
所以體肥腴厥形殊龐龐土人捕而得金刃隨手攃剝皮取其膏
塊若土精瑯爾蛙本雄武睥目若有睜當車奮兩臂氣怒不可降
奈何隕生命不若蠕蠕蠅是鄉昔荒僻逼近松花江陸行馳車軌
海通接舟艤遂使萬里地有如行徒杠此物初供饌不辨珉與砭
致遠忽珍異瑰產爭牽扛遐方不脛走南陲亦聞楚吾儕忝吟社

風雨涉濤瀧客來不滿五命酌對秋窗主人進異味云以佐瓶缸
大者如凝冰小者如豆豉如珠訝錯落如玉疑瑣琤食之口可悅
思之心若撞人生供一飽艱食事耕稷蔬圃擷松韭豆棚摘露瓠
何必貪口腹饕餮效夷虓天道忌好殺物類憫愚蠢在人知自惜
視物毋乃曠方今東北裔感悅驚吠龙沙場塗肝腦疆場森矛鏃
深痛鷓蚌爭漁人正揚籩撫物寄長歎鞞鼓音辭辭

黃溯初出其尊人冠圭及叔夢仙兩先生畫像屬題

白首怡怡兩弟兄百年緒業手親成鄭鄉子弟歌僑誨冠圭先生於其故鄉

鄭樓設一小學鳥國圖書集晏楹所徵鄉先哲書多搜自日本展卷倍殷桑梓敬勒碑

更慰蓼莪情名山撰著公應喜不盡甌江載令名溯初近有敬鄉樓叢書之刻

夜來香去年爲雪所壓今年秋後始花感賦四絕

婀娜柔枝上架來秋深始見一花開爲從雪後殷勤護纔得香魂

月下回

憶過東鄰四月時此花簇簇已垂枝託根隨地分枯苑留得生機
莫怨遲

傍簷丹桂未飄香叢菊階前待綻黃同是美人遲暮感不隨衆卉
逐年芳

山荆愛此曾成癖手自分栽餉舊鄰今見青葱生意滿已無鬪土
壓枝人

符笑拈先生手定詩稿後以刪後詩攬二卷詩外脞錄三卷
見示所謂詩外者詞一卷詩鐘社課一卷聯語一卷也爲
題五絕於後

顛叟不顛詩自工先生自號顛叟流傳佳句滿甌東憂時豈是閒歌哭文

統私權付寓公

西江詩客西崑派才力雄堪壓四靈最是淵源騷雅處天方夢夢若爲醒

蛻庵續集再編成刊落篇章盡正聲隨地源泉難別擇未應勺水異滄瀛

秦黃周柳盡能事斂手詞場甘避名唱到大江東去曲世間清照莫相輕

一篇工速馬兼枚儘有諧詞醒世來想見談言微中處東方原是滑稽才

九日得符笑拈先生詩十一日劉贊文書來謂先生於初八晚染疫逝矣至爲感歎卽次原韻輓之

正傳佳句侑萸觴忽報乘雲返帝鄉天問有篇攜謝眺來詩有問天無句向蒼蒼魂招何處遣巫陽淒淒塞北霜飛白槭槭江南木隕黃無那

哭公此時節伊人空溯水葭蒼

書淫

少年溺苦號書淫老至難醫痼疾深細字貪看忘病眼俗譁怕聽
恐櫻心正開戶牖迎朝旭又見牆簷轉夕陰蠹飽螢乾竟何事空
令歲月去侵尋

蓴菜

有序

蓴出杭之西湖近以新法瓶裝可以致遠九日社集旬陽
寺梅生攜來同人以此分詠限支韻

不到西湖已十稔秋風蓴菜起相思何來遠道珍貽日宛似凌波
乍擷時百盞深紅斟琥珀一瓶淺碧瀉琉璃狂遊勝賞當年地猶
記樓名是兩宜

香魚

有序

井廬八月社課曠缺因展一日補之分詠拈此限微韻

仙姑洞口靄霏微溪水迴環碧四圍中有尺鱗時潑刺頗聞十月

最腴肥

魚月長一寸至十月而止

牛心難擬香因炙

此魚土人捕得皆炙賣之

熊掌俱誇貴

在希偏是山人能飽食不應使宅稅同譏

紙捲烟

社課限魚韻

笑開銀匣出瓊琚清醒詩魂午睡餘食指拈來香細細比裝筠管
味何如

銅壺貯水管吹噓製式精良供客初何似一枝輕入手不須拂拭
倩童胥

取攜最便是舟車興味添時佐讀書燒到指黃耽未已還教星火
穴衣裾

學風難得開陬澁尤物偏能徧里閭試看街頭攤賣處金錢浪擲

到厥輿

熱水壺

社課限虞韻

莫訝留溫製作殊阻傳熱理力非誣水晶複壁周遭護蒸氣何曾
洩黍銖

湯烹蟹眼只須臾蓄熱能供晝夜需最便三更風雪裏不須削炭
煖紅爐

老人適飲備時需一酌能教煖體膚更得湯婆爲伴侶勝斟羔酒
侍名姝

閉門塞兌謹機樞能保千金不壞軀氣海常溫人自壽此中悟得
養生無

吳貞女詞

有序

貞女吳寶仙東陽人美儀容善鍼黹繪畫許字同里許姓

未婚守志既爲夫立後以母老無人侍奉復歸事之終身
今行年五十同縣張君爲徵詩作此應之

夫爲婦之貴從一陶匏未御先喪匹母家同氣復凋肅回首萱幃
形影隻人生到此劇艱苦女兮一身荼蓼集境逆順受心則夷兩
家維持得其力爲夫擇後堂構承付託有人萬事畢歸家奉母終
餘年花木園池手親闢事居送往俱無猜人世彝倫罔攸斃非非
更存出世想露電幻泡悟生滅貝葉繙持上界經蓮花開見西方
佛生來宿根自殊異桃李豔姿冰雪節鍼神畫史兩擅長藝事流
傳珍拱璧憶自及笄稱未亡五十年華苦辛歷飲冰茹蘗志靡他
貞孝兩全寧易得祇惜松筠歲晏身未獲褒揚輝彤筆作詩紀事
佇採風斯民未泯三代直綱頹紀壞水決防懿彼女宗足矜式

榮根 八首 社課限齊韻

菜之食根者種類不同人社課以此命題余既專取芥
根為詞一闕復併取他菜八種各繫一絕以誌風土寓感
懷焉

萊菔經秋熟晶瑩似瓠犀醫生應欲哭此物勝刀圭

萊菔一名蘿
蔔宋諺有蘿

蔔熟醫生
哭之語

閉門先主種諸葛可名稽莫但誇肥美還應故事提

蕪菁一名諸
葛菜吾鄉盤

菜亦其
一種

出土堪生啖珊瑚色與齊辛盤迎歲首八寶和寒齋

胡蘿蔔色赤
味甘辛俗名

萊菔為菜頭以此為蘿蔔人家除夕作八
寶菜有雜以為之者蓋古辛盤之遺意

山藥淮中產吾鄉品不低最思京邸美蒸食爛如泥

山藥北京人
蒸食和以白

糖五柳居
製最佳

葷味無如蒜溫中未可詆獨頭人更愛午日佩如觴

蒜有獨頭者
俗名圓蒜或

以絡佩襟內
云可辟邪

薤亦多辛氣消癥故事稽別成甘美味醃製和錫醃

薤白俗以糖醋製食名曰

老薤蓋薤一名薤子音叫亦名
菝子音鈞薤即菝菝音之訛

蒿昔江南岸人家種欲齊販裝閩海去論價莫教低

蒿昔江南人多種之取根

削皮醃之販往厦門往往
自相傾軋致賤價折閱

雪蕪名何雅春根喜出泥兒時偏嗜此譁笑食豚蹄

芥根俗名菜蕪巒切煮之

頗似豬脛骨

春晴 社課限佳韻

三月新天氣遨頭女伴偕車雷喧綺陌塵麴暗香街風絮狂黏袖

泥花亂襯鞋東皇無管束駘蕩極春懷

春陰 限灰韻

正約尋芳去鈿車卻暗回忽沈連日霧似起九衢埃慢重愁成雨

窗昏怯送雷綠章誰借得使我醉如癡

春山 限真韻

怪底春山嫵難窺面目真冶容偏作態如笑却含嗔髻擁烟痕聳
眉開黛點新誰將冬睡日姑射識神人

春水 限真韻

嗚咽秦淮水春來未許聞桃迎常用檝藥贈慣湔裙碧草通波映
浮花別澗分祇愁佳麗地再有賦哀文

飛艇 社課限刪韻

攻守飛鳶角翟般又看翔艇九霄間但能縮地輕千里自勝懸繩
度萬山踵事忽驚雲烏布別有軍機行師未許鶴猿還始知車制奇

肱毀古聖深心豈石頑

潛艇 社課限先韻

螺舟潛水擬神仙軼事秦皇本浪傳地起殺機人尙國巧憑守險
海爭權玄黃龍戰非于野霹靂雷轟別有天舟楫剡剡根易理涉
川既濟定何年既濟定用虞
翻易注語

再依韻各取唐詩一句足成二絕

漫言船坐如天上不是槎乘牛斗間惟有謫仙詩可擬輕舟已過

萬重山 飛艇

凌虛萬頃意茫然誰料波間別有天馭氣排空人巧極上窮碧落

下黃泉 潛艇

荔枝 社課限蕭韻

舶來閩產最酣嬌有似豐肌映絳綃色味依然香略減計程應未

過三朝

白香山荔枝圖序一日色
變二日香變三日味變

珍羞入貢話前朝漢使曾勞置埃遙今日已無臨武長更誰南海

拯民凋

珍羞漢和帝詔中語時南海貢荔枝臨武長唐光狀乞罷之

來禽

社課限肴韻

頻婆白奈漫相淆果實團團味曲包食罷併臨青李帖且消長日

墨池坳

盤登佳果助推敲號錫文林足解嘲

一名文林郎果

此是浮瓜沈李樂南

皮勝會惜輕拋

時予以事滯永不得與會

前意未盡再賦二絕

由來此物生閩廣兩地兵氛尙未消溯到漢唐徵貢日一家南北

太平朝

荔枝

詩篇清帝曾留詠橘柚差同貢厥包一樣前朝奎藻恨裕陵鸚鵡

寫花梢

來禽

廣羣芳譜有康熙林擒詩宋裕陵畫林檎花上立一鸚鵡見貴耳集

信天翁

社課限麻韻

江湖滿地足生涯野鷺閒鷗共一家堪笑鷓鴣忙逐隊爲誰捕鯉
上魚槎

由來飲啄皆前定鼠腹臨河願枉奢貪到鶉鷄仍瘦損空教竭澤

取魚蝦

鶉鷄能竭水取魚爾雅義疏譏其貪而不肥俗誤以此鳥爲信天翁故及之

白頭翁

社課限陽韻

逍遙物外卽仙鄉占得林間歲月長多謝畫家徵吉語生綃寫取

伴花王

俗以此鳥與牡丹同畫題曰白頭富貴

盈頭戴雪鬢凝霜羽化寧無卻老方倘遇令威千歲返也應相對

話滄桑

日有所感再賦二絕

知止幾人能似鳥一生隨分不求奢後魚貪得前魚棄空使龍陽

出涕嗟

信天翁

白頭莫道翁無母雙宿林間鬢盡霜太息谷風陰兩日青春多少

此離傷

白頭翁 諸葛恪事見江表傳

社課筠莊雜詠

筠莊鮑子拙中別號 鳧渚 鳧樓皆所居地

鳧渚 限豪韻

玉沙湖曲水周遭中有幽人結屋牢屋後小橋攜杖過西頭鳧渚

一橋高

橋名 鳧渚

坐非鼃井拘虛小遇未鯤池擊水高畢竟橫流滄海日狎鷗盟鷺

屬吾曹

鳧樓

限歌韻

樓名取鳧意云何乙歲營成燕築窠更有老人心事在願詒堂構

翼謀多

喧聒厭聞梟在稷太平未見鳳巢阿年年戊社留詩卷長對紅襟

自把哦

又次拙中原作韻二首

處士南涯養望高

余舊居張家堡距君居里許
實共臨一水分南北涯也

少時相過泛輕舸興

來月下頻搖槳行到湖濱卻卸篙去日流光如掣電機心世事若

抽棹喧豕君聽秋塘外捲地西風起怒濤

跋輦初就屢經過爲問樓名意則那世擬巢居安拙陋老修社事

借消磨文章造鳳輪韓泊浪泊飛鳶笑伏波長願休休作居士此

生何用悔蹉跎

秋蟲

社課限庚韻

三更暑退夜涼生偏攪秋心夢不成莎草徑中梧井畔風淒露咽

到天明

秋燕

社課限青韻

日行西陸感飄零南北風塵跡未停知汝暫留原是客客中相見

眼逾青

時寓永嘉

秋燈

社課限蒸韻

可親最是秋涼夜照讀奇書見未曾長憶半山蕭寺裏寒光四壁
靜依僧

秋扇

社課限尤韻

相依懷袖忽經秋奚必歌辭託訴愁用不逢時藏亦好秋風於汝
本何尤

淮陰釣臺

社課限侵韻

韓侯迹往不可尋釣臺空俯清淮陰世途何在非機餌前覆後繼
成古今漂母一飯初無意適然酬得千黃金漢王推解下釣距牽
挽鱗鬣出重溟王齊得請計尤毒無異投情東海任鍾室誘致一

翻手直如雪鱸供刀砧吁嗟往事無須說眼前惟見烟波深

桐江釣臺

社課限覃韻

先生神龍不受釣何事釣餌垂清潭爲憫世人盡陽鱗重淵可出
寧非貪雲臺諸將勇攀附巨緇連犗爭芳甘述囂跋扈亦菹醢供
人刀俎嗟何堪紛紛釣牽逐利欲超然無與真奇男富春山水足
可樂瀧流七里窮幽探漢家帝座今何在客星長照天東南

晚菊

社課限鹽韻

本具孤芳抱非關應候淹從來馨逸性能禦雪霜嚴寒意衝三徑
秋容瘦一簾風披枝自傲歲晏色偏添天未陽和轉人猶晚節規
冬心同耐冷世態任趨炎落落如相契涼涼詎足嫌盤桓松共友
相賞只陶潛

早茶

社課限咸韻

擢秀塵埃裏山茶品不凡幾枝開臘近萬蕾破霜嚴賞玩供文几
搜羅出野巖地幽宜水石寒鬪比松杉映旭光添潤籠烟色豈黷
白欵名士恰紅襯女兒衫綴萼梅初孕垂枝柳未髟先春迎正朔

新曆元旦在
舊曆小寒前

第一錫頭銜

文與可有可笑口號七章戲仿作

可笑繩牀慣獨醒起看曉月步中庭還來小閣跏趺坐一炷清香
誦佛經

可笑清晨屢輟餐疊箋束筍字蛇盤故人幾處勤相問書付郵筒
墨未乾

可笑書齋未展編足音門外已蹙然雞蟲得失尋常事排解紛紛
乞魯連

可笑窮年伏里閭上天無路託吹噓何來覓借枝棲者偏踟山人

作薦書

可笑新霜兩鬢侵半生文字少知音乾枯野史刪修筆潤取人間
諛壽金

可笑立文未草雄偏於小技學雕蟲折枝詩體纖窈甚每向朋儕

賭拙工

詩鐘一名折枝體

可笑常談老腐儒幾逢路鬼見挪揄近來年少輕前輩好學嘉榮
事染鬚

辛未立春

二月五日丑時

更漏深宵聽報籤臥知春氣已回潛不聞爆竹千家響爲戒萑苻
萬戶嚴新曆紀元年久換東皇稅駕序何淹周正漢臘都休問把
筆低吟自撚髻

和劉貞晦五十述懷五首

君書海上來開緘得新詠生日值五旬良朋爲稱慶答謝兼賦懷
語語見真性我欲索筆和諒非一言竟憶自與君交卅年同聲應
如舟有楫維如弓得榜檠別後鄙吝生又如茅塞徑每懷直諒友
時時欲借鏡把詩屢尋繹動我長謠興述往思來今願君且靜聽
昔君作粵游歸來共敦學章句勸後生道義任先覺指授地理編
詔畫致精確課餘飭校風有疑卽商榷舟共大川濟石攻他山錯
相與五六年輔行免跨蹕自我拂衣去君亦飄然作出處各一方
慨想追隨樂

自君入政途長才屈一令疾惡志鷹鷂遇繳乃踳蹬武人爲大君
師錫聊借徑君在國選場不受僞汗命踽踽來滬濱叔度笑相迎
謂黃相將校舊編遺文訪先正表章付手民彌切梓桑敬三年兩
湖初鉅集刊成乃見贈遜學樹前茅
孫太僕有永斯樓稱後勁
黃君湖初所刊

名敬鄉樓叢書 希世華子魚千秋愧管邴

我昔登君堂發春值歲首尊公為欣然引進命之酒諸子兢勸酬
歡聲達戶牖爛醉至吐茵醒來自怩忸茲事二十年此樂復何有
別易會難常况在滄桑後惟聞君弟兄出入相愛友共為甘旨謀
白頭奉老母君每歲時歸朝夕問安否一事足誇人萊衣進滸滸
君今艾服年而無軒冕志於世豈忘情盱衡感時事論治貴本原
所聞吾豈異奈何今世士紛紛說功利况君有令子皆是青雲器
大者能說經直拔漢家幟長君節著有讀洪範篇家學見淵源磨礱使端粹
非惟華國選將膺斯文寄荀陳樹風範子弟盡才懿康濟逢昌期
斯為鳳麟瑞原詩有不見鳳麟之歎故以此答之

二月十七日即事 廢歷辛未元旦

山城寂寂到黃昏市上家家半掩門春早聞雷知雨滯俗占驚蟄前雷則多

雨
天寒欲雪覺雲繁幾拈寸管愁呵凍還臥重衾自取溫偏是故
人多厚意遠攜笠屐枉相存

二月二十日次前韻

密雲急霰晝連昏積水庭前嬾出門瓦雀噤寒穿屋入山茶經雨
減花繁遣懷對酒愁堪掃忍凍繙經義待溫五白袒呼年少事未
應老我更思存

時隣有爲
雙陸戲者

新踏青詞七首

裝束輕盈學旅行芳郊不惜步伶俜多因時節清明近錯被人言
是踏青

昨宵怕聽雨廉纖曉起輕寒骨尙砭著得蠻鞞聲橐橐不愁野潤
溼鞋尖

鬢鬆鬢髮短垂肩颯颯微颺顧影憐髻掃巫雲珠翠卸教人何處

覓遺鈿

連裾同學憶當年踏唱歌聲節應絃行到前村停足處大家齊上
試鞦韆

面前一水綠沄沄盪漾輕舟日未曛自笑臨流雙白足不須故事

問湔裙

尋芳盡日路行賒祇恐歸來日已斜欲借明駝知未得攬身試踏
自由車

驚鴻倩影妙時裝爛漫天真笑語譁知否阿婆也塗抹龍鍾羞入
少年場

重晤樂清洪魯山於永嘉客邸書贈

懷舊珂鄉欲賦哀石

聘南吳周郁楚滑鄭農

黯泉臺滄桑劫後與君別

此是相逢第二回

君前晤時嘗戲語此生能得幾回相見

偕黃胥庵劉貞晦自滬往游杭州西湖聞施仲周亦在杭因

約同游

老來藏拙棲林邱十年不作杭州游故人招邀來海上

謂黃君湖初

聲至者黃與劉相期重攬西湖勝有約不愁風雨橫

是日冒雨首途

禺中

車發日晡至望湖已動登臨興明朝書閣訪文瀾流觀祕籍嗟叢

殘

吾鄉戴肖望先生石鼓論語答問內缺四篇

園林旁涉恣遐覽山徑關鑿殊舊觀出

門驅車到靈隱膜拜朝山人殷軫吾儕隨喜逐世緣非來聽說無

生忍此行意外逢惠施人生離合寧非奇冷泉寫影作紀念飄飄

三髯一美髭在旁顧笑有西婦

美國教士

借問四人弟兄否我聆此語

妙解頤同氣相求信非偶霸城二老銅人摩商山四皓紫芝歌逍

遙湖上且爲樂眼中流輩今無多

明日潘鑑宗余鼎三洪伯容與余及胥庵貞晦再游湖上

前游興未闌今晨得賡續籃輿出清波偕行人有六初來虎跑寺
清泉鑑一掬緬想性空師當年此闢築道經六和塔直上恣遐矚
有約赴雲棲蓮池訪遺躅瑞相瞻漆身膜拜人相屬開示淨土宗
公作光明燭寺僧供伊蒲破戒酌醺醪飯畢觀寫經展卷古香撲
寺有乾隆御題董香光所
寫經及蓮池大師手蹟 晦叟爲留題微名附齒錄斯時山雨來竹
樹聲蔌蔌輿夫向前問上山愁蹇足本擬游
五雲山 商榷到龍泓一試新
茶熟延緣歷溪澗衆流互迴洑曲折樹陰中萬峯餉新綠須臾入
僧寺境勝僧偏俗啜茗遽歸來烟霞訪洞谷峭壁佛像多玲瓏巧
椎斲此地足勾留日晏惜游促探幽興未已匆匆過石屋水樂洞名
聲鏗鏘知有流泉伏綜此一日游亦足誇眼福憶昔來西湖沿洄
水一曲眺覽蘇白堤登臨及天竺足迹每經行俱在北山麓此行
涉南山奇賞豁心目恣覽全湖勝一掃舊聞咎昔人言游山預約

期難復乘興卽戒行偏得從心欲今此三人來可云客不速作詩
聊紀遊權作遊記讀

貞晦約余及胥庵詣潘鑑宗叨飲多年佳釀別後寄贈鑑宗

翫世狎狂劉伯倫約嘗美酒訪黃門客來不速才投刺主便欣然

爲倒樽白下篇章工唱和君與貞晦胥庵有金陵唱和詩君家詩派有淵源永嘉潘德

久以詩鳴在四靈前暢談未覺醇醪醉百盞依然笑語溫

兩度郇公擾酒廚歸來猶佩買春壺臨別又復見贈主人自是多情甚座

客寧無飽德辜難得鄉山多舊友叨陪舊雨踏西湖他時乘興重

相過應泛桐江煮碧鱸是日本擬游釣臺旋改游湖

題紅拂圖社課

六代江山局欲殘徑辭繡闈侍征鞍女兒去就關家國未許文君

一例看

鞬鷹脫臂出風塵肯戀侯家誤妾身三斛明珠金谷寵可憐終作墜樓人

四郊戎馬國將墟不有真人孰掃除引得虬髯識天子能教海外關扶餘

尺幅丹青感不任蛾眉俠骨久銷沈楊家姊妹連翩貴知否漁陽鼙鼓音

弔淮陰侯和顧遜庵 薰葉漱潤 觀復 高吹萬 變 諸作

嗚呼淮陰真功狗墮人術中任指喉豎儒掉舌下齊城正議連和罷戎守胡然忽入蒯通言徑以銳師加其後廣橫潰走食其烹漢家威信墜何有况復據地稱假王怙勢要君寧非咎此時蒯生計已熟師襲青齊囊底取取後姑作南面求使命一絕變生肘從此三分鼎足成掉闔縱橫信予口嗚呼淮陰真功狗此計良平洞窺

牖躡足附耳授真除使汝帖然感恩厚武涉間言不能入蒯生說
辭寧復受自此雄猜積漸深垓下成功骨隨朽雲夢被擒鍾室誅
昔日羈縻今則否或謂汝信赤心不負漢豈若伏波真誠識天授
或謂汝信功成盍身退豈若嚴陵肥遯甘澤藪祇恃河山帶礪封
貴極富溢堪長久豈知裂土擁強兵一旦殺身翻覆手酬金漂母
尉少年已兆後車載廣柳傾危策士災汝身彼自逍遙脫織垢臨
刑猶思蒯通言嗚呼淮陰真功狗

贈別童海鶴教育局長

鵬超

國家重學師儒尊旌別淑慝職所存好音正懷鴉集泮讒言豈信
蠅止樊吾道非耶飄然去互鄉難與寧復論兩年警欬喜相接惜
未餞別攜清樽

馬頤鈞示以送姪之奇赴美國詩聞馬少坪亦有作

馬氏多材幾白眉竹林唱和有新詩當前蘭玉真堪喜彼美榛苓
况可思以赴美國借用時局已成皮畫虎異邦應許領探驪病痲跋盍長
沙痛倘覓奇方任國醫

蝻蚌 社課

任爾橫行勢依然蝥海旁將軍空帶甲公子竟無腸八跪扶非少
雙螯健莫當在塗矜虎鬪入穴笑龜藏執縛供刀俎烹調試鑊湯
發風防飽食候月薦嘉嘗土人以上弦至下螿明原同譜江珧共
佐觴滑稽陶穀語寧止諷錢王陶穀使吳越食螿蚌至螿明十餘種曰真一代不如一代也

有感

憶昔黃金曾築臺君王側席佇賢才况當汗馬膚功奏不少從龍
景運開神武掛冠看竟去渭濱投釣孰歸來江關庾信餘蕭瑟莫
遣江南再賦哀

九月十八日

彈雨硝烟震地來不殊朽拉與枯摧頗聞經武雄全國何意崇朝
付劫灰境入無人甘避敵策終束手信庸才膏腴百萬兼圻擁賈
寇兵糧劇可哀

吳王爭霸會黃池於越興師國遠夷不謂千年繙舊史依然一局
踵殘棋早知塞外長蛇在何事關中逐鹿爲卅載經營隳一旦景
升豚犬又奚辭

重有感

倒押前韻

百萬嗷鴻未息哀蟲沙浩劫又紛來正當同室纓冠救何待連盟
槃敦開事異黃池爭長日世須微管定傾才闔牆自侮誰能禦愁
見姑蘇鹿上臺

龍豬歌

嵌十二辰神 社課

南疆鼠鬪困穴中助執牛耳來關東神皋虎踞勢稱雄狡兔穴掃
秦晉封吁嗟公子兮人中龍無端長蛇恣薦食人馬萬千皆辟易
孰很如羊奮前敵西望猴冠羣于于連雞口噤誰雄呼纍纍喪家
狗不如吁嗟龍兮化爲豬

哀時歌

嵌十二辰神

國多碩鼠無樂郊牛毛法令徒紛呶苛政猛虎恣搜括狡兔各自
營三窟四野龍鬪方正酣長蛇薦食驚膽甜士飽馬騰不敢接無
異牽羊稱臣妾楚猴登場冠盡裂連雞猶復自相掣嗚呼國事付
狗屠紛紛况是牧豬奴

滬上將歸同鄉謝俠遜馬公愚諸君餞別中社賦此答謝

海上棲遲八月餘倦游正欲賦歸與不圖異地承華餞謬顧衰齡
及散樗鴻雪更教留指爪

同人共攝一影

客途無以報瓊琚時艱聚首尤

堪念別後還應數寄書

金甌破碎說關東，婺緯深憂我亦同。
賓主相逢萍水日，江山正急鼓鼙中。
祇慚違世儕符郭，端合匡時待賈終。
此別滄江歸臥後，艱難事業盼諸公。

是日在會十餘人多舊同學續作此篇述前未盡之意

十年蹉跎棲東甌，故人招作海上游。
昔時朋從今聚首，依然聲氣相應求。
長筵列坐市樓迴，車馬聲喧隔人境。
宴罷攜手惜分襟，指爪鴻泥共留影。
老來作客非恆常，幾能異地逢歡場。
諸君况抱四方志，長風萬里隨翱翔。
一時盍簪信非易，勝會稽陰差可記。
招邀更值懸弧辰，是日爲古曆十月十三適余生日天巧尤非人力致。
祇今時世異昇平，年年滄海黃塵生。
關東喪地千萬里，舉國悲憤思請纓。
吾儕踐土豈殊性，寧獨苟全亂世命。
魯連蹈海節誠高，愚公移山事可敬。

憶昔勝清變法年廣闢學校儲才賢是時余亦蓄奢願梓里興學
相後先觀摩一涉扶桑土歸領郡庠啓藍縷諸君相從各妙年鸞
皇待展冲霄羽無何漢上卓旌旗光復漢土綏四陲方謂太平可
立致選賢與能時雍熙豈知人心轉思亂起仆循環竟如貫闕牆
未已外侮乘人禍天災啓寇翫書生手無尺柄操昌言敵愾空呼
號羣帥擁兵坐相視誰能赤手收神皋天心剝極倘終復碩果反
生成林木唐代將相出河汾漢世儒林起申伏瀟瀟風雨雞自鳴
時晦不改膠膠聲諸君著書兼友教以此造就多豪英或杼偉略
志經世憔悴民生待康濟危時未解雲雷屯名世終開天地閉老
夫耄矣心事違倦游行欲歸林扉謬荷諸君極繾綣一言願貢區
區微人欲橫流至今極四維不張幾不國興亡有責端在斯共挽

淪胥須努力

顧亭林云天下興亡匹夫有責所謂亡天下者仁
義充塞人將相食也今人沿用其語頗失其意

校刊敬鄉樓叢書第三輯畢槩將歸留別湖初

梓鄉文獻費研摩半載光陰紙上過豈效任生長閉戶只緣桓子

怕聞歌

余來上海歌舞劇場未一涉足因年來每涉繁會輒生淒感亦不自知其故

校讎幸得懸籤富檢

點偏驚落葉多數到家珍關國粹

黃介庵先生為湖初遠祖集中議論極醇

紫陽學派

莫輕呵

半生食字蠹魚儔得暇將為物外游不謂滄江逢歲晚忽驚遼海起邊愁收功鉛槧書方就選勝金焦願未酬會待河山再清晏重來倘許豁吟眸

動靜石

有序

錢倉山有兩石一靜一動動石倚立靜石傍人仰臥靜石上以足撼動立石俗名搖動巖

靜為動依動與靜離離即之間闢翁之機一非靜何動非動無靜

動靜互根妙境斯領二物不自動誰能啓之物不自靜誰能已之
三有動動者見幾於微有靜靜者不聞曰希四本靜之動是假人
力由動返靜乃見天則五
人喜其動我愛其靜磐固之宗務於寧
靖六天傾地陷柱折不周安得生公說令點頭七

和郭漱霞辛未秋懷用滿城風雨近重陽句轆轤體

滿城風雨近重陽秋氣沈沈意慘傷巨浸稽天災未澹伏戎徧地
燎方揚鴻噉千里無安堵蝸戰頻年總閱牆魏晉不知童叟樂桃
源畢竟是仙鄉

愁眼登高試一望滿城風雨近重陽邊陲薦食狂蛇豕將卒逡巡
怯犬羊捲土已聞收萬里打毬猶未罷三郎東藩竟付童駮手空
賦旄丘誕葛章

中原戮力待動勦莫復兵戈阻一方舉目河山非昔日滿城風雨

近重陽共支大廈寧無策收泣新亭要有望海內喁喁正延跂微
聞沈闕尙參商

槃敦周旋使命將三軍束手聽平章會猶列席潛師進兵未交綏
要塞亡絕徼蟲沙罹浩劫滿城風雨近重陽男兒獨有文淵在誓
守殘疆一面當

林宗貞遇信行藏止屋瞻烏竊歎傷敢謂哭歌同麥秀祇將忠愛
寄蘭芳人皆濁醉心先死音到哀思國恐亡怪底雞聲鳴未已滿
城風雨近重陽

辛未除夕和黃梅生贈梅作次韻

年年梅事入吟篇併送春來又一年是日立春驛使不煩千里寄蟾光
計已百回圓除夕贈梅一連十年矣徘徊霜月參橫夜搖落江山歲暮天太

息冰葩猶似昨人間滄海幾桑田

公婆石

社課

壬申

藻溪山前有巖對峙如翁媪然俗名公婆尖

謫墮塵緣不計秋天荒地老此綢繆任教溪水東西去不似人間

怨白頭

地有東西溪

人間會少別離多秋月春風幾度過此去浮梁多少客深閨夜夜

羨公婆

溪居多茶商

再作四絕

女媧搏土爲人後浩劫多生幾折磨偏是補天遺片石千秋屹立

兩公婆

羸顛劉蹶幾滄桑不比山中日月長羨汝巖阿相守老義熙甲子

已渾忘

人間夫婦愛情移離合都因色相衰只有石人心不轉谷風陰雨

任淒其

多情極到無情日化盡柔腸作石堅始信鼓盆終矯遣不如人外
兩頑仙

南甌六絕句 社課

島嶼星羅列版圖未容出沒任萑苻千家曬網團焦地記說平陽

廿四都 南甌及竹嶼皆廿四都地

釁啓倭韓昔用兵籌邊沿海說前明屯田置守今何在蘆荻蕭蕭

訪故營 明萬曆間倭陷朝鮮閩撫許孚遠墾海疆設防推及浙中南甌設有副總兵

傳檄民居一徙空當年清野避成功至今海嶽留名字贏得人稱

國姓公 鄭成功賜姓朱南甌有輿曰國姓寮

窮島幾成化外區漁棚櫛比等亡通勤民賢宰留遺蹟曾繪乘風

破浪圖 清道光間棚民雜處滋事邑侯劉鍾琪親往履勘紀有乘風破浪圖題詠甚夥

生聚休教伏莽潛詰戎助守護閭閻年來魚稻江鄉足拜賜家家

說海髻

志激近設漁佃公
司漁民藉資保護

虎林題字記何年往事追尋已渺然

摩巖有石首呈珠四大字末云
虎林題不紀年月未知何人

留得丹邱遺詠在恍疑蓬閩挾飛仙

何白南麀詩有倘挾
飛仙向蓬閩之句

橘莊 社課

宋王自中道甫所居處縣志云在坊郭

道甫天下士才氣凌羣公朝議遣歸正抗論懷孤忠時相極構陷
矜全主恩隆郊霑及寬宥始得仕籍通簿令著嘉績赴察都堂中
奏對出二疏剴切孚宸衷初授藉田令擢乘御史驄宰臣力排擯
去國何匆匆出知光化軍綏靖即邊功入見將留用乞外防射工
信州更課最果傷衆矢叢武夷奉祠祿遂以閒散終橘莊在坊郭
千載遺高風故址不可訪仙壇猶蘂葱先生志經世南北規大同

所言不能用羣小環而攻龍川合誌墓水心有餘恫紫陽書廟碑
亦惜未飛獅有才偏不遇既退復阨窮虛存故里名大澤一罍空
荒墳僧屋後何處披蒿蓬徙倚一憑弔斜日東山東

次韻陳仲陶澹園吟集兼呈祝眉淡風二兄暨冷生孟容叔

平希逸

入座文星與酒星居然少長集蘭亭樽前話舊頭俱白刼外逢人
眼倍青朗抱有如親霽月劇談不覺起風霆是晚雷雨忽至當筵射覆添
餘興量窄猶能盡玉餅

林霽山先生墓

在北港青芝山

社課

胡髯潛動蟄龍骨冬青夜夜啼鵲血生前雙匣托悲吟身後一坏
寄寥泲樸翁居同鄉修竹盟尋越皋羽哀思烏繞枝玉潛幽憤虎
探穴諸臣各效犬馬忱回首珠邱失崔萃獨此圓碣表孤忠三尺

荒墳猶突兀南青華

元儒史文璣先生墓處

北青芝千年防護在有司

林史二墓

皆入兩浙防護錄

惟有五峯渺何許披尋古寺空然疑

霽山集謂鄭樸翁墓在五峯不知其

處舊志二都有五峯寺蓋即葬其傍近地

感時次李佩秋寄懷詩韻

世事俄移悵壑舟傾盤覆水勢難收誰教天帝亡鴉首總為共工
觸不周憂極緯縻惟有淚鄙嗟肉食太無謀人間麟鳳翛然在肯
與同羣貉一邱

橫流滄海浩無涯捧土填薪恐已遲封豕貪婪狂噬日連雞昂竦
共棲時未聞被髮纓冠救誰省然其煑豆詞回首故都宮闕黯不
堪重詠黍離詩

絡緯

社課

夢醒蘭閨欲五更虛窗不斷絡絲聲莎根促織遙相和一樣能教

懶婦驚

軋軋機聲抑若揚辛勤似趁午宵涼木棉如血撞花雪能著等車

引綫長

遠憶征夫感不禁擣衣樓上答清砧聲聲似訴纏綿苦旅客同聽

空外音

悠揚振羽及深秋咽露餐風那解愁應笑周嫠忘恤緯年來空抱

國身憂

橄欖菜

社課 四首

嫩甲經霜色蔚藍不曾苦澀自回甘爲懷味諫軒中果瓜葛還應

舌本參

涪翁賦橄欖云想與餘甘有瓜葛餘甘卽味諫軒中果見原詩

雞舌含香入口中清芬不礙糝鹽紅野芹蜚慘秋荼苦難與南珍

臭味同

瀾成可作伊蒲饌清絕同參玉版禪嚼到齒牙香溢處佐添芳茗

薦清泉

劉攽攪詩清泉薦芳茗臭味獨潛感

稱名辨物稽形類想是甘藍語轉訛

近有甘藍菜搗花食之葉正相似蓋同一種類者

總為

文人添韻事不妨格覽入吟哦

橄欖譜謂南人謂之格覽

和高性樸九月十五夜作次韻

舊曆中秋之夕

坐對冰輪百感生年年今夕月逾明從知天上秋仍半不比人間
朔易更玉兔高寒瞻有影銀河低淺轉無聲遙憐東北風塵暗永
夜沙場劍甲鳴

題武如谷拜丁館印存第四集

摹印書體頌秦庭周家璽節揚前旌

周禮掌節注璽節者今之印章也

漢鉅流傳

在人世范銅鑄字形模青代金以石始近代作家祖述多成名浙
中八賢相繼起首開宗派稱龍泓武林武子晞前哲自署印集名

拜丁官書治暇卽命筆積卷齊頰皆瓊英心精力果文密察知與

法學同挈精泉唐法乳有傳嫡風雅提倡唯西洽謂西洽印社敝鄉石

緣不可作平陽清嘉道間蘇璠石緣有大雅山房印集殘石遺棄如燈檠小子不才尤

溲落析薪莫負慚鐵耕先子玉溪府君有鐵耕小築印集觀君傑作彌愛敬手不

能釋心爲傾何時哀取鈍丁作請君一一指授爲題評

馬少坪讀香山戊申歲暮詠懷有祇欠三年未六旬之句以

適值同歲次韻作壬申歲暮詠懷三首見示余亦次和兼

學香山體

君今恰值香山歲我又過君九歲時麗澤少占同道術滄江晚臥

共心期崢嶸事業輸新進冷淡情懷訴故知應笑樂天中尙熱一

官猶自戀分司

臘尾光陰蛇赴壑何堪陰雨復兼旬久疎年事惟增債始信文章

莫療貧萬卷堆邊無長物百忙叢裏著閒身只緣一欠高窗臥未
作羲皇以上人

老懷本意樂魚禽把臂嵇王共入林狡啓忽開強虜釁長愁祇攪
暮年心原揚星火驚難戢關失丸泥感不禁偏是園葵憂漆室諸
公袞袞愧朝簪

泥山柑 社課

泥山之柑宋始名東坡作傳信有徵侯封平陽拜溫尹爵里敘述
俱詳明魏公後人著橘錄侈談香味非虛誣宣和作貢充方物無
異包匭輸揚荆時移代遠風氣變嘉卉殘廢亡根莖泥山之名今
又改爲宜爲儀空諧聲 蘇平仲集作宜山今俗通呼爲儀山 書或作泯亦作況 見甌
海軼

聞引甌江
逸志等書

字畫迳寫成譌形後人數典遂忘祖未稽故事詳圖經

潛齋張氏始入詠

張先生基母船
屯漁唱有詩

如獲奇味供侯鯖葩園考索尤

詳覈譬入滄海遺珠擊

楊先生詩甌海遺珠最詳其事

吾友毛子初試種夕陽籬

落垂瓏玲真柑舊種雖未得要與永產相抗衡平土宜柑此發寤
至今種植盈郊塍改良農產講樹藝地力挽須人官能吾鄉南宋
盛文物斯柑名亦馳寰瀛可知人文際蒼蔚草木同爲儲菁英古
來樹人喻樹木前有作者須後承加根竅實勤學殖勉旃無墜先
民程

擬陳陶蒲門戍觀海

社課

道經蒲門戍東望何茫茫海島若碁布舉目窮扶桑譎哉昔徐市
謬託求仙航載往童男女厥意寧尋常中原苦秦暴誰能止沸揚
乘桴覓閑壤生聚謀一方未幾閩左卒叫攘覆秦皇感茲增喟歎
霑襟淚淋漓生民極塗炭魚爛終焉亡平昔撫長策自命佐帝王
郊椒游鱗鳳無人薦巖廊逝將挂片席滂泱凌鼉荒

又一首

亂山滄海曲

借陳句

蒲門當孔道成樓縱覽觀溟漲連清昊澄波平

若鏡日出見瀛島蒼翠空中橫腥氛淨如掃中原正板蕩鳳麟不自保乘桴仲尼歎居夷傷懷抱三山渺何許中有如瓜棗採之不盈尺食之庶難老弱水苟可航有如越潢潦願與安期流耕烟種瓊草

擬謝康樂游嶺門山

社課

縹組辭朝列一麾永嘉守橫陽薄海壖周巡敢云後星駕出南圻
驂駢臨四牡滌汨俯江流崔嵬涉岡阜緬茲設治初萬船屯海口
畫壤連閩中占躔同牛斗什一逐漁商耰耨安農畝民情凜載舟
馭索戒毋狃茲行雖適己未遇漢陰叟鬱鬱松柏姿寧能屈培塿

厚莊詩文續集

平陽 劉紹寬 次饒

和黃胥菴六十述感用原韻 癸酉

君今年六十齒又加七同作亂離人遭逢苦難述與君初遇時
 邦家已杌隍朝廷謀刷新草野爭奮發興學育才賢風被到甌越
 與君相淬厲身為邦家率同事孫卿師 謂仲容先生 追隨叨席末君去
 滇南游我留皋比竊閱時賦歸來相逢重促膝講舍集生徒流分
 源則一 君主師範余主中學 世事俄滄桑絃誦各中輟賢路避後生物理悟
 推奪君試入宦途百里寧非屈我更事卑棲掾曹丐微秩幡然脫
 屣去圖經奮私筆 纂修平陽縣志 君從閩嶠歸握手罄歡悅自茲一別後
 國事紛難詰選賢本為公苞苴身名裂西南異軍起藉詞張撻伐
 指顧奠幽燕名順興也淳惜乏康世才縱橫信權術同室旋操戈

深讎忽成匹發蹤逐盧魏收利兼蚌鶴爾我虞詐深解體及黔粵
中原正寇攘簧鼓蔓邪說加以旱澇災水火益深熱東鄰伺釁動
邊陲遽淪沒膏腴百萬里如探囊中物邇更入塞垣舊京恐搖兀
倘遂城下盟此恥將奚雪我生胡不辰奇變乃躬閱攘臂欲何爲
生全嗟苟活君歌辭正苦我和淚霑血愁緒兩茫茫相看惟白髮

和馬敏中生日述懷次韻

馬氏多才賢相逢眉皆白兄弟各稱難此自關世澤我本江南人
城居晚託迹與君同里閭萬千買鄰宅懽情聯縞紵交誼逾金石
時以問字來摳衣欣卽席有子羨龍文鞭影善驅策負笈出重洋
遠泛海天碧縱馳域外觀能通異邦籍學成干世知不虛此行役
時局正需才當途貯旌帛鴻毛終遇順不比鷓鴣風逆蔚然杞梓材
足以慰松柏請看一鶚翔瘖盡鷺鳥百

童君海鶴以任教職五易縣皆擅山林之勝賦詩誌喜次韻

和之

浙東山水足清游是處官齋雪爪留君正豪吟誇五就我因悵別
記三秋句賡池草追康樂籤富書城比鄴侯松下哦詩應積卷東

浮有集續前修

唐崔國輔居永嘉著有東浮集

將歸江南省繼母章太孺人爲颶風所阻

十日晴曦火繖張海雲急雨驟生涼溪聲入夜喧逾急風色連朝

吼欲狂將母有懷心戚戚

時仲弟新喪

渡江無楫思茫茫故居卅里非

遼隔愁對淫霖滯一方

題孫仲容師學務議稿後

西學甄微參化育能利人官與物曲列強颿起競相師陵轍五洲
雄百族我國文弱強其間錮蔽聰明由科目志士扼腕請廢除啓

迪人才闢庠塾吾鄉孫子楚蘭陵當代經師稱老宿清廷聘任諮
議官勸學書成上當軸本議四篇枝議十持論名通非瑣蹟篇末
糾正羅氏議匝實周詳言可復吾師應聘作此書卑無高論貴通
俗屬藁初成不自惜侍史門生勤收錄青田劉君得數紙枝議遺
文差可讀其餘得者李松舟流落西湖今誰屬劉君裝池爲長卷
持贈海髯勝珠玉海髯出示爲憮然紀以詩辭寫充幅我讀此篇
增慨歎卅年事往風驚燭學海堂前共侍人

孫仲師辦理溫處學
務在郡舊試館中有

學海堂匾額係阮
芸臺學使所書

雲散風流渺遺躅猶憶吾師下筆時興學作人

計爛熟云是匡國需賢才羣彥奮興強可卜豈知道微邪說起新
學未興舊顛覆六經烹滅等劫灰三綱淪斃夷禽犢從來虺蜴中
人心始動龍蛇起大陸亂甚五季與五胡開闢以來此創局嘗聞
吾師憂世語早識亂機已潛伏小人偏多通練才君子翻慮聞見

特是知真儒不世出旋轉乾坤付碌碌爲政植莠使亂苗論學還
珠竟買櫝育英儲材了無效誰詠菁莪與棫樸民智日窳德日漓
坐使國勢益窮蹙吾師長慮倘及此應悔導川輕決瀆民生至此
百不聊聊以長歌當痛哭

謝陳少文先生惠黃精

不辭遠道餽黃精多謝先生眷念情一勺盈還同綠采九蒸熟擬
轉丹成百齡倘可紅顏駐千丈何愁白髮生爲想伊蒲供饌後

先生

近日長齋佐餐芝朮更身輕

應宜賓故居

社課

應端秩平陽金鄉衛人明末爲宜賓令全家殉難

乾坤毀後餘故廬行人指點頻歎歎魯陽揮戈夸父逐虞淵日沒
孤忠輸復楚力絀申包胥愚不可及衛甯俞知效一官竭區區家
人父子齊捐軀表章忠義史闕如幽光闡發惟吾徒天祚有明曆

數盡煤山誰與攀龍胡宜賓受任在倉卒崇禎十七年四月間川蜀正苦遭

張屠賊黨披猖邑淪陷志切恢復憑方隅賊破敘州公還屯田官壩是時樊一

王應起遵義敘州克復走兇渠偽都督張化龍走公在行間作心膂扶傷

救死民其蘇虎兕長驅復來撲孫可望來援大師遽退危城孤楊展還屯江津

子弟相隨羅鋒鏑猿鶴化與蟲沙俱公弟端祺子東卻俱死公保鎮邊撫蠻

獠結納烏蒙土司搜剔狐鼠勤剿除擒斬多賊逾時全州復境土進秩攝縮監

州符陞知府及下川南道樊侯誓師駐江上規取全蜀恢鴻模拜疏上功請

顯擢鷁羽安得臨風舒曾英楊展宿將盡諸將况復相吞圖內訌

未已外患至烈風迅掃如摧枯我公父子同滅歿公與次子東砥同殉難青

林墨塞迷歸途鄉邦遼隔音信絕名猶勒石蹲龜趺邑有順治六年碑勒公姓名

名余作文辨之宜賓縣志亦疎畧籍履事蹟均模糊宜賓志職官表於崇禎未列公名云杭州舉人

卒任是知世亂文字缺官書易代尤忌拘我欲考公殉難日譜牒佚

載空踟躇官卑人微地偏遠舉家畢命同孤雛生氣凜凜在天壤
幸未舟壑隨負趨我過公里肅起敬異代猶式商容閭曩修邑乘
網散佚參證前史存悞疏今茲發詠重慨吁臨難苟免彼非夫

友松堂

社課

明鮑起士高所居舊志云在方山

亮節清風世未遙友松遺址訪前朝緇成石上三生契晤對階前
百尺條陶徑最宜高士撫秦封應避大夫嘲賢郎土木褒忠日始
信詒謀是後凋

子輝殉土
木之難

寓仙壇寺懷葛樓夜作

深宵禪榻薄寒生臥擁秋衾夢不成溪水聲喧知雨驟窗燈影淡
覺天明鼓聲未息三邊警兒女常縈五夜情

兒子及長孫女在
永嘉兩孫在北平至

竟浮生何處著遙聞鐘梵頓心清

卽景

淒淒風物入深秋遊賞林塘得趣幽木落枝頭聞吹彈溪乾沙面見微流連山赤燒楓初老徧野黃雲稻未收畫意詩情閒靜裏囂囂塵市我何求

宴楊雨農南塘宅別後寄呈兼柬梅冷生陳仲陶

一出城南氣象寬高人卜宅近林巒憑軒風物供延眺卽席壺觴勸盡歡座有阮嵇賓主樂榻聯元季弟兄難別來此會長相憶要是詩盟未可寒

遊荆溪山寺王志澂陳小垞黃梅生皆至

不到荆山二十年重來傑閣冠層巔虛窗下瞰疑無地深洞斜穿別有天隨喜相逢多舊故登高作健卽神仙眼前江水東流去莫問人間幾海田

題溯初敬鄉樓圖

樓連榕樹樹連江

用原句

畫意吟情妙少雙一幅生綃憑寄寫幾回

把玩倚晴窗

蓼綏舊擬娜嬛地

黃仲改學士藏書有蓼綏閣

玉海原非曹鄴邦

孫琴西太僕有玉海樓

更有敬鄉成鼎足樓連榕樹樹連江

和鮑仲敷葵廬紀事作限原韻

鮑子江南居遷自葵浦里葵浦今何許江西亦云邇同是橫陽地
原無分彼此非如北溟鵬遠從南溟徙何爲此葵廬命名存舊址
吾友服古深取義必經史樂樂所自生禮反所自始邱水記釣游
敬恭在桑梓數典祖倘忘昔人所深恥何岳遠山軒寄懷差可擬
何秋樵遷居距山甚近而名其軒曰遠山蓋謂去淪漣鯉水清巖業獅故里山遠也亦寓憶舊之意見陳子上遠山軒記
山峙德量同高深丰標足仰止竊度君子心作詩聊舉似

劉祝羣來永嘉約游平陽以事歸詩來次韻奉寄

甌括鄉居各欠閒，道途跋涉况多艱。
乍聞遠賁心先喜，自覺追陪力未孱。
百里將迎剛掃榻，一箋報道遽還山。
相思不待明年約，神往金雞鐵馬間。

金雞鐵馬皆青田南山峯名
來詩有明年有約重相見語

寄童海鶴和其詠大風韻

江右頻年妖霧濛，南連閩海起腥風。
厭聞邦內干戈動，遑恤民間杼柚空。
肘腋竟忘三島伺，車書難見九州同。
憂時空具輪囷膽，感憤成吟學放翁。

和童海鶴元旦有感作次韻

甲戌

梅萼初迎歲序開，柳條尙被朔風摧。
未消大地重陰固，已覺微陽七日來。
閩徼待平餘善寇，江南漫賦子山哀。
星軺聞自龍川返，朝漢臣佗可築臺。

漢家舊臘易更新天意難回國步頻避地枉勞塵外想哦詩聊寄
客中身命全亂世非求達分作書生合守貧安得鄒君善吹律能
令寒谷盡生春

花雨寺落成往游次王志澂韻

風日晴明湖上村布金有地訪祇園亭依喜雨開精舍僧共談詩
識慧根冷落宮牆吾道否巍峨梵宇佛家尊飯鐘王播今何在留
得籠紗舊墨痕

華萊園先生嘗課徒於
此留有手書募緣啓

漫興用前韻

入望江南黃葉村十年前是故鄉園未能淮橘良遷地翻似霜蓬
脫宿根封豕狂吞遼海盡井蛙坐大子陽尊時艱何處稱安土空
向秋巢覓舊痕

書感再疊前韻

驚動羣雁吠一村會開平等學祇園萑苻滿地機潛伏花雨彌天
語不根作者有王知必斥世間無佛始稱尊爲陵深谷夷高岸漲
盡西江是淚痕

和姚味辛游江心寺謁文信國祠次韻

江山名勝地忠烈仰前賢浮海滄波遠揮戈落日圓荒祠留古蹟
遺句撫殘鐫嗚咽東流水丹心付與傳

運祚終難復臣心耿不磨天驕亡夏日國士殉身多惻愴崑山詠
頡頏正氣歌崑山顧瑞屏圖復明室遇害江心志事與文山正同幽燕

朝市改時事竟如何

白柰花

念廬雅集主人
值課拈題賦此

中庭有嘉樹花開皛如雪不學桃李粧祇自矜高潔
輕非柳絮狂香異梔子烈相對惟梨花格韻稱雙絕

促席集吟侶嘉葩喜傍簷漫誇西子面恰映老翁髯
宿陰開正繁晴曦照逾麗果熟供君餐壽可三千歲

和林烈夫四十自述次韻

讀書萬卷行萬里鬱勃胸中自吐奇遼瀋河山增國恥甘陳事業
耐人思每懷西徼化猶梗敢恃南邦天所支抱膝長吟非吏隱顛
危時局待扶持

燃萁不恤豆在釜驅雀翻教鷓爲叢誰使烽烟連徼外忍看兵氣
滿寰中哀嗷周澤鴻難集共逐秦原鹿未窮攬轡正當強仕歲還
應破浪藉長風

甲戌春夜夢亡友楊子闇醒後追紀

卅年分手夢中思宛似高齋共學時長暑庭空忘坐久短檠燈炮
覺宵遲呼朋繼燭知先睡就枕拋書正倦支醒後茫茫泉壤隔追

尋幻景寫余悲

立夏前夕有鄉人叩門來饋鱒魚

夜半驚聞剝啄聲鱒魚遠饋記鄉情筠籃乍啓心先喜筵席初登

眼爲明胃網護鱗空宛轉

鱒魚最惜其鱗
胃網卽不動

觸喉多刺任譏評椀盛

豨豆伴盛莧節物嘗新笑合并

溫俗立夏又食
胡豆與莧菜

蟹螯

海上橫行挾怒潮雙螯健舉勢何驕滿跚入網身難脫擘折登盤
味最饒此日共持杯在手當年空擁劍斜腰不須鬥虎誇趨捷祇

合薺烹雜桂椒

式崇上人贈所製芸臺菜乾色鮮味美疊前村韻謝之

菜把供從帶郭村自誇製品出祇園蒸炊乾曬能留色咀嚼生香
異咬根豈是呼奴菘共賤直教爲帝董同尊持齋破戒君休笑佐

飲霑襟有酒痕

寄題南雁山曝書亭

藏書之家書常曝蛛驕蠹肆盡驅逐千年典籍得常新未許摧殘
置廢簾今人有書不自惜朝收暮棄未經宿新箸偶然几案留陳
編輒盡高閣束多年積卷供鼠饑覆瓿窗遇何酷烟銷灰滅等
焚如掃地斯文堪一哭陳君當今好古士珍本圖書善藏蓄會文
書院沿舊稱於中插架列籤軸收羅才俊延大師朝夕居稽任抽
讀秋霖春雨易黴濕曝曬中庭趁炎燠築亭洞口額曝書名襲竹
垞不嫌複欲使後人重珍祕著意保存戒汗黷茲山昔賢勤講貫
千載風流仰遺躅淵源濂洛紹危微名理探尋須精熟七日曝衣
侈豪貴何似郝隆庭曬腹尤願諸生毋曠功一暴十寒語三復

黃溯初寄示蜀游吟草書此卻寄

山川巴蜀險天下入蜀詩人句例工豈是征途紆鳥道能教意境
闢蠶叢胸中邱壑昂藏寫眼底旌旗割據雄爲想登臨憑弔處可
能石室訪文翁

甲戌重陽樂清洪潛園邀同人共遊三嶼外山登其生壙

行盡峯頭見海天海旁半島訪牛眠緣坡路曲藜堪杖登壠風多
帽欲偏佳節異鄉非異客羣公高會盡高年達觀表聖銜杯樂勝
事千秋倘並傳

與周井廬

自山門往游南雁蕩東西洞次日同往鬧

村歸途作此紀游

積雨欣晴上筍輿共尋古洞訪仙姑盈盈一水難褰涉穩載輕舟
過笠湖

雲關矗立勢凌空磴道縈紆一綫通回顧東南屏障在淋漓大筆

認姚公

姚味辛司合於閩事平後來游書東南屏障四字於石屏峯

重閣陰森石洞幽廿年彈指再來游西廊棟宇更新後髣髴當年

鬪韻樓

前清張太守盛藻遊此額其樓曰鬪韻今匾已易矣

注溪別澗水淙淙綠澗尋源出谷中此瀑壯添新雨後晚來惜未

見晴虹

梅雨瀑落澗中日射成虹故名晴虹澗

華表凌雲遠在望入門中有讀書堂世人豔說科名貴我為先生

祝瓣香

東洞為鄉賢陳貴一兄弟讀書處俗名進士洞

竹桴來往若浮虛淨碧琉璃廿里餘溪至水頭二十里深夜滿潭漁火集

最饒風味是香魚

山靈別後重經過突兀奇峯入眼多自惜老來腰脚軟探幽未盡

負煙蘿

和黃胥庵都門演習防空作

酣戰雄師颯爽來殺機真訝自天開守攻共習排空技搏擊新資
禦侮才甯有阿房逃楚炬賸教胡賈話秦灰爲思老氏佳兵語臨
敵毋忘勝者哀

題黃溯初敬鄉樓詩草

廿載人間閱海田強將心事寄吟篇引商曲妙非巴里變徵聲淒
入管絃相骨權奇無伯樂移情激楚有成連瀟瀟風雨猶如晦聽
取雞鳴欲曙天

和鮑拙中觀斗樓雅集作

行行出西郭有寺名白蓮山麓聳層構市近地自偏曲折入山徑
雜樹夾茅綿望衡欣戾止一沼俯清漣叩門訪予友出見鬢蒼然
謂茲寺樓建吾祖實開先明歲予懸弧瞬值周甲年於此一修繕
歲月俄再遷今茲予七十優婆復來前謂樓將圯毀弗葺委荒烟

祖德倘紹述前功不唐捐吾宗葵廬氏力贊許之便謂余古稀慶
世俗侈張筵曷弗移此舉藉結祇樹緣親知不我棄慨出囊中泉
助成此輪奐感荷心拳拳今晨集嘉會裙屐來翩翩忝予巴里唱
願貺陽春篇爲樓添故事庶並鄉山傳顧余溯茲寺滄海幾桑田
明代改義塾梵唄化誦絃何時復衰息一龕仍棲禪始知象教力
足奪皋比權茲寺昔依宿女僧庇一椽住持今屢易萬事感逝川
因慨世變急不變道與天時艱劇反覆慶澤常綿延故家失喬木
修物惟象賢蘭亭迭興廢禊帖不磨鐫洪都賦滕閣過者爲流連
文章足傳世壽比貞珉堅茲樓入吟詠終古不崩騫賦罷一浮白
合座舉觥聯結想在千載相視皆華顛

賀鄭孟達五十時長金華法院 乙亥

返轡扶桑後聲名噪日邊讀書通漢律從政及遽年國事猶蝸沸

人寰幾海田恤刑資治理毳裘擬前賢

民生今陔隘禮教久陵夷所幸持三尺猶能振四維游山乘興日
堆案掣閒時十載冰心勵清風是我師

甲社第一集吳逸廬卽席賦贈次韻兼呈同席諸君

老爲文會卽歡場共話平生故意長相見預將詩作贊高談未遣
酒添狂吾儕久謝春明夢世事難消熱烈腸斜日市樓清讌地歸
聞夜漏下三商

和黃溯初五十三歲生日作次韻

時世推移悟壑舟不攘六鑿與天游詩追杜史餘忠愛學到蘧年
寡悔尤范蠡浮家成大隱計然爲國運深籌延津寶氣終難闕夜
夜龍光射斗牛

乙亥二月樂清居士林講圓覺經張君雲雷胡君奉羣見邀

兼爲諸生講春秋

晚歲耽禪願受持不知老至笑于思卻將法侶談立地分得諸生
講學時且喜新懽今雨集更憐好景夕陽遲麟經說罷聽圓覺冀
爲春蠶解縛絲

二月十六日甲社第二雅集吳君志雲卽席首唱余在樂清
未與到者九人歸後次韻和之

居然九老會重開相憶虹橋首爲回四座羽觴邀月醉六街羯鼓
聽花催諸公豪興頻搜句顧我清齋未舉杯留滯有勞多盼望片
帆江上費疑猜

壽王志徵六十

束髮受經始追隨五十年芝蘭馨共契金石久彌堅湖自佩觸日
初哦宵雅篇吐辭工屬對懸解悟真詮正喜因材篤休教見異遷

尊人擬遺學
賈余勸止之幾勞螢雪映遽得藻芹零璞獻雖逢卞羣空未遇歎廁

身羞帖括拊髀試鞍韉曾入武備學堂禰刺初投謁膺門被接延謂孫仲容師

偉明雄議席越石讓先鞭浙江諮議局選舉衆擬舉余辭以君當選乍脫毛錐穎旋依

儉府蓮鼓鞞驚蜀漢玉步改幽燕車攬征羌轡堂鳴單父絃豆煎

傷泣釜冠挂促歸田宦績榮遺蛻鄉居行擬羶粉榆宏作育羈角

荷陶甄瀕港開新步通航極遠邊巖疆清寇盜荒島闢漁畋文獻

徵邦邑居諸閱槩鉛朱提頻解橐青汗勉成編覩縷難更僕行藏

自信天蒼生安石望獨行彥方傳經世常縈抱憂時敢息肩匡扶

天下責揚激匹夫權相許平生志殷懷後起賢故家喬木在常願

長風煙

次韻和莊松圃

寶利莊嚴地緇流肆習餘遺經重掇拾請業及迂疏坐媿春風藹

居慚夏屋渠材方羅杞梓器未琢璠璣皋座身膺日麟編口授初
紀言皆亂世相斫信奇書更有傳燈侶來停問字車鈞提依晷刻
涉獵等吹漁天道弓張弛真機橐吸噓變遷時可考好怪說堪祛
時授講左傳期僅一月
爲說春秋變遷大勢 縞紵歡聯汝舟車枉顧予憂時詩擬杜寡過
學希遽多難逢陽九無爲異赫胥願窮圓覺理性相悟如如時居
士林

講圓
覺經

余在居士林次韻答吳志雲

世事日紛紜棲心向寂寞驅車百餘里遠赴故人約緇白萃一堂
經義互參酌心念後生輩羣居恣歡謔嗜欲競橫流詩書束高閣
相看貉一邱誰是雞羣鶴因爲說佛理禪定解纏縛且與論經世
春秋嚴筆削俾知人禽界戰兢免墮落教以凜聖言豈云抱佛脚
吾儕論學術用心不偏著真契得參同要在解人索戒行非云苦

簞瓢有至樂試看慶車澤何如原襟捉悟澈一貫旨孔佛皆圓覺
三月十六日甲社第三集觴於澹園主人馬君祝眉出其先
世書畫以供衆覽蓋家學相承二百餘年矣祝眉有詩次韻

和之

主人邀醉甕頭春百軸牙籤手展親杖屨粉鄉成雅集琳瑯芝室
喜紛陳流傳家寶真希世呵護名縑信有神眼福飽兼誇口福饒

魚子鰲共嘗新

江心鰲魚此時有子
俗名子鰲最肥美

倪君襄琴示以雁蕩洗心泉詩頗近禪機因倣作

此泉名洗心心從何處覓吾心既已無洗名亦不立
有泉將心洗泉有心始有無泉亦無心卽此離塵垢
泉與心俱空本是妙明物見泉如見心此見亦須拂
從知無心心原以不洗洗可悟非泉泉大地流瀾瀾

題張香圃畫鍾馗圖

形求傅野時難遇像繪凌煙迹莫攀何幸君王叨一顧長留古貌
照人間

腰笏藍衫磔蝟鬚千災百沴一齊驅放翁團扇休誇說能此家家
供養無

出游元夕資談助辟惡端陽信土風張子卽今吳道子丹青戲筆
擅神通

寄高吹萬

雁蕩我游經月後喜君新自石橋來二靈應徧諸峯展四谷能梯
幾處苔未迓高軒過委巷聽談濟勝到天台此行不少奚囊句可
許披吟心眼開

家鄉我愧住東甌三入名山未徧游洗眼慣看龍壑水吟懷空寄

雁湖秋雷潭梅瀑奇堪賞

在瑞安仙巖

月牖雲關境亦幽

在平陽南雁山

會待

新涼天氣爽青鞋布襪共尋搜

讀樂清鄭友蘭先生雲衢半翁詩草

規唐摹宋非屑屑

原詩有云摹宋規唐亦太癡

自寫胸中所欲言古體每窺長

慶室今詩時涉武功樊先賢倘許追翁趙勝代居然近蔣袁悵我平生慳一面無緣樽酒得同論

無題次湖初冀北韻

青鳥書傳意未申凌波羅襪蹴生塵角憎穿屋難防雀心怯踰牆
不畏人幾欲奮飛仍莫遂薄言往愬况逢嗔顰眉漫笑東施效同
病相憐卻有隣

聞李佩秋君往甘肅不果以詩寄之

失喜先生輟隴游尺書魚雁得常修每於知舊頻詢問欲識行窩

孰去留敝帚自憐珍寸璧名山還俟訂千秋揚雄覆瓿常嗟惜難
得譚並世求

七月初八夜枕上口占

蕭齋一夜風和雨撼壁搖窗攪睡眠遙憶故人江海上不知何處
泊舟船時王仲超赴粵

無題

次湖初有感韻

寵擅專房招衆嫉自憐燕婉竟何求顰消蛾翠心常捧泣掩鮫珠
淚不收急剗雪鴉憎亂局含情鸚鵡怯前頭阿嬌暫避長門住誰
省園葵漆室憂

秋日卽事

深秋風物覺淒淒散步郊垞日漸西曲港細流魚暗集殘林疎葉
鳥爭棲感時撫事心如惕望遠登高意轉迷何處可尋人外境看

雲小立且扶藜

和意園秋感兼呈潛園

去歲重陽作健游同來三嶼海東頭一年轉眼都非舊攪動西風
滿地愁

憶昔乘舟過白象曾從橫舍訪倪迂祇今學子都星散橫禍居然
見負芻

文成故里說南田卅載前游跡宛然報道故人倉猝至桃源境亦
駭風煙

勝游每自憶鄉關秋思如潮不可刪太息新成戎莽地峻嶒西望
玉蒼山

白髮滄江漫苦吟滿城風雨氣蕭森黃花晚節香猶在爲撫霜枝

感不禁

意園潛園兩詩
皆有黃花語

和池仲霖甲社中秋讌集次韻

深秋暑退涼生後粉社吟筵得重開九老香山誇健在一官彭澤

賦歸來仲霖歷任閩魯兩省縣知事危時遣興聊成詠浮世為歡莫放杯追憶

舊游嵇叔夜黃公壚下幾徘徊時社友許乙仙新亡

和鮑拙中過雅山有感

出郭游西山蘇園在山麓齋舫廿四窗孰是鮑家屋鮑氏有齋名廿四窗舫

在昔乾嘉時兩家耀門族賓客湊遠方戾止皆華轂石緣擅風雅


篆刻技精熟二鮑心觀平君亦癖嗜琳琅輯滿目余嘗見有廿四窗舫印集一冊時易人

世殊風流渺難續丘壑成荒涼登臨空躑躅蘇氏始移家來自桃

湖曲鮑氏起嶺門明代瞻喬木鮑給諫輝住嶺門世澤溯淵源遠近殊川

瀆憑吊訪後人高深異陵谷胤樓拙中自號胤樓主人鮑宗秀白沙老邁軸

陟巘瞻先芬吟詠寄篇牘顧余發遙慨千載遠瞻矚霽山昔肥遯



WENZHOU LIBRARY

別業此營築

即趙與別業

悲憤冬青辭歲寒盟修行

林霽山先生與會稽王修竹尋歲寒之盟

晉齋因其地怡老壯松桷

明呂大正侍御怡老亭即其地

百年終爲墟蘇氏繼斤斲

三度閱滄桑四朝感興仆中原今板蕩不減宋衰叔河山舉目非
西臺方慟哭吾儕丁斯世高厚常踏跼杞憂穹蒼墜發恤宗周覆
寧惟大雅園區區慨倚伏念茲興廢理消息關時局瓶凍知天寒
葉落感秋肅洛陽繫盛衰名園記可讀

壽施仲周夫婦七十

我初識君時歲試偕場屋一見心爲傾久交意彌篤自予長中校
引君勸教育諮史兼誼經幾載同商榷契闊二十年忽晤西湖曲
遊憩冷泉亭翛然對水竹去歲來永嘉清談席屢促約游三嶼山
終日歡未足今歲游雁蕩選勝東西谷餘興賒歸途吟情寄飛瀑
世事正蝸蟻吾儕甘雌伏相看七十翁安能任國服君有梁鴻妻

賓敬老逾肅弓治善家傳負薪喜有屬相將蒙陽隱投春辭榮辱
不然南昌市踏歌追錢偃我少君一歲雙飛失黃鵠經卷與繩牀
法喜爲伴宿始知白頭盟修到幾生福書此侑一觴爲君偕老祝

枯樹和褚九雲先生作次韻

投老空山閱古今芳春無復展新陰祇憐生意婆娑盡那禁攀條
感慨深大節未虧天挺質喬柯不改歲寒心巖阿偃蹇何須歎會
有相知匠石尋

結實垂條且莫論空餘百尺聳龍門摧殘幸免樵斤阨突兀猶留
野燒痕異代江山經幾易兩間孕育倘長存輪囷合抱天材美總
是當年雨露恩

漫云大廈待支持風雨飄搖室毀時遵汝條枚頻見伐搜材巖壑
已嫌遲藤蘿得勢難圖蔓蒲柳爭妍且弄姿况是向陽心竟死扶

桑有日拂高枝

盤根入地蟄龍蛇老此名材惜歲華紫塞長榆驚牧馬白門新柳

感棲鴉低徊元子傷心地蕭瑟蘭成作賦家癡願仙漿如可乞爲

添蜜汁再生花

事見續博物志

龍潭梨

龍潭在墨城附近山中產梨種爲溫州冠皮略厚於山東

天津而味不遜之惟所出甚稀作此張之

龍潭之水清且漪龍潭之上實離離山深地僻人罕至爲產珍物

始見奇吾甌梨本非佳卉入市不若松陽貴近時北果復南來真

定臨淄識風味

真定梨臨淄梨向有盛名

此果特出山鄉中美比袁氏與張公

青皮白肉味疏爽

處州之梨皮燥而黃此梨皮潤而青俗特名青皮梨

能潤喉吻茶無功瓊漿

玉液滿中貯豈真龍渴待解杼不然摘得領下珠化作勻圓滿林

圃吾鄉珍果異昔云泥山之柑久不聞橋墩柚小差可取柿紅柰
碧徒紛紜平陽圓柿較勝他縣之長形者然非佳果奈出南港亦甚稀此梨甘芳足可口方駕燕
齊寧居後園師且講培植功會見四方不脛走

貞晦校印敬鄉樓叢書四輯後紀詩徵和次韻兼呈溯初

鄉國富文獻如探多寶船仰鑽期後學校理啓陳編一字讎無赦
千秋信有緣永嘉宗派在鈞髮續前賢

昔歲辭申浦離羣返故關頤情仍竹素託迹亦鄜闈疑義承商榷
郵筒屢往還祕文今寫定不朽倘名山

則古稱先志吾儕臭味同寧阿鄉曲好敢詡表章功經術陳君舉
生涯鄭樸翁惟應作書隱桂樹結幽叢

次韻林烈夫專員視察武寧各縣途次作丙子

疾苦閭閻燭照明民依念切客途輕不辭遠邑雙旌蒞要使稔氛

一路清喘息蘇應勞撫字飢疲起待減輸征經年兵火蕭條後想
見登車攬轡情

昔年相憶在京華萬里川途入望賒五馬近臨章贛水一詩遙寄
薛蘿家喜聞冰谷回春律愁聽鄉山起暮笳平陽近日匪風頗熾內治外攘
時事棘不知何日解兵拏

二月十一日大雪次黃胥菴劉貞晦都中唱和詩韻

二月奇寒昔所無漫天雪陣挾風驅獻燈軍士聞南國首都元夕軍士乘雪

獻燈中山陵奪燾兒童念故都小孫北平書來雪中與諸同學奪旗紅山口沾水膠舟仍凍守

鄉山伏莽更堪虞園林纔見梅花發萬樹封條尙未蘇

公園卽事

兩山宿霧重難開萬綠沈沈待雨來行到橋心轉歸去遙聞天際
有輕雷

喚雨鳴鳩特地哀
聲聲似欲促人回
隔林士女喧嘩甚
正見聯翩逐隊來

乍寒乍暖渾無定
能放韶光幾日晴
攜杖到門剛一笑
瀟瀟已聽雨來聲

余目患內翳十年矣
古曆三月廿二日
右目障及青瞳遂致
失明書齋塊坐作此自遣

年來病眼生虛翳
望似輕羅捲太空
何自重陰來警爾
有如孤月墮雲中

老來熨眼只圖書
淨几明窗興有餘
試展茫茫如隔霧
此生恐與古人疎

故人契闊常千里
握管猶能作晤談
耿耿在胸難應手
嵇康疎懶更何堪

佳時忽阻登臨興華蓋松臺咫尺遙何況勝遊千里外廿年夢想

寄金焦

丙午丁未間友人劉祝羣約為金焦之游至今不果往

醫家內翳稱虛損况是殘年已古稀多感故人相厚意懺除業障

勸皈依

張雲雷胡奉羣周仲錚諸君皆以念佛為勸

紛華身外都拋卻惟有詩書未了緣倘得金篦重刮目願將炳燭

理遺編

壽周幼康七十

子我墮地時清代中興始六合掃欃槍八方同文軌是時海國通

邊釁正萌起內政漸陵夷外交昧彼己治絲將日棼國事益難理

吾甌僻海隅跳梁甫平糲

時金錢會匪平才五年

上下方恬熙世謂唐虞比

吾儕初勝衣挾書塾童齒長老頗見驚昂駒許千里未冠應童試

後先翔泮水同學得師資關西有夫子

謂楊愚樓先生

負異陋俗儒文章

貴根柢子事曉芙師

秦順周先生恩煦

我從遜齋氏

瑞安金師晦

學系出樂安

祭川識原委

兩師皆出孫太僕之門嘗讀書詒善堂

講授惟六經旁通及四史文藻擷

選樓出辭戒悖鄙學古稍知津趨時乃顛趾秋賦試棘闈莫展鵬

風徙我黍貢成均終退龍門鯉子遂隱江湖甘心困泥滓時窮變

則通科舉旋廢止學校頒新章興邦云在是抗顏作導師講席寧

虛倚無何陵谷後學風隨波靡罷黜孔孟書教材販歐美笑予服

古徒見聞陋尺咫敢云寶康瓠而令黃鐘毀鄉邑徵文獻百年散

無紀職責在吾徒纂修曷云已乙卯始開局乙丑畢鋟梓人物與

職官表傳一手擬暇修雁山志奮筆狀奇詭陳鄭

陳璠鄭思恭

訂闕譌

二劉

劉眉錫劉步衢

芟繁猥百詠注船屯洽聞乃餘技文筆樞半山詩境

宛陵似惜未永叔逢驤衢附驥尾自從戊辰來國勢益傾圯滄海

慨橫流泛濫無涯涘同儕得十人聚若枯槐蟻觴詠月唱酬得句

聊自喜子我今七十子兄我爲弟同人爲子壽賦詩侑稱兕我生
不逢辰壽亦何取爾况非金石姿頽齡安足恃身壽不滿百名壽
或千禩吾鄉宋元季樵漁兩高士林霽山先生有白石樵唱陳
子先先生有不繫舟漁集遇窮
詩則昌忠義泣神鬼平生耿耿志仰企常自矢知子同心期廉隅
相厲砥清風百世師庶擬靈光歸

和高薑齋春暉堂敘飲次韻

集禊慚非晉永和
高軒何幸得相過
放懷詩酒清狂寄
舉目河山感慨多
謀國羣公方袞袞
問年諸老各皤皤
憂隕及知何益且
倒清樽一醉酡

樂清洪潛園

邦泰

永嘉吳逸廬

鴻年

皆同七十合攝一影因

題其上

劉子行年今七十同庚者有吳與洪三子所居各異縣生年月日

吳與同洪子懸弧先一日歲皆丁卯時孟冬意者前身依碧落玉
虬驂駕相追從同時下謫人間世散落甌海隨西東永嘉樂成接
境壤橫陽百里江湖通三生有緣得會面秋燈旅館時相逢少年
意氣輕結納揮手一別常匆匆老來交深意轉篤過從每喜足音
登吾儕往事那消說儒冠誤我成龍鍾朱顏綠鬢不可再居然皓
首龐眉翁相將市樓共攝影雪泥爪印留飛鴻洛陽三老安敢擬
樂全潞蜀朝班崇潯陽三隱聊竊比所惜同調無遠公譬諸草木
吾有取歲寒三友梅竹松參天柯葉不改色老幹凌雪回春容始
知後凋非偶爾真體內固氣自充相期遲暮保金玉貞元剝復待
蒼穹

白雲山 山爲南雁別嶽

連岡西接大坪頭高插雲霄挾漢流石柱峻嶒雙闕迴何時重訪

小龍湫

玉簾濺瀑散隨風曾否珠簾北雁同行客最誇籐道勝停驂谷峻

可曾通

高隱原來不爲名萬山深處寄遐情白雲洞口常封鎖誰訪東嘉

薛正明

薛唐時
人隱此

巖前挂榜名猶在紛郁卿雲不再逢院址荒涼絃誦歇行人莫問

大魁峯

題畫二首爲武如谷庭長作

兩美觀書

桐院秋燈夜寂寥觀書心事上如潮英雄夫壻佳難得不少人間

大小喬

柳陰釣艇

明湖晴日少風波一葉凌虛足嘯歌移到柳陰深處好垂綸豈在
得魚多

鄭伯琅餞夏瞿禪於居士林李亦懷池仲霖孫孟晉梅冷生
徐勤侯吳天五周孟由周仲錚均在座天五有詩次韻兼
呈同席諸君

江山搖落正堪悲况值桑榆日影欹何意禪林幽寂地恰逢勝侶
宴遊時琴樽一席良非偶翰墨千秋各有期笑我眇翁何所事
目眇一閒來且撫鬢邊絲

壽洪潛園七十

海東跌宕老詩人物外逍遙自在身每寄芬芳寫忠愛時於談笑
見天真居鄉仁護魚鹽利濟世功施藥石神翁媪扶攜孫子樂桃
源奚必問仙津

贈謝師約

攝影傳真泄祕奇畫家珍本得探窺
此一時

謝子英年擅妙才家藏披覽盡瓊瑰
虎兒作手名當世都自元章

指授來

尊人磊明
為大方家

珍羽名葩栩栩傳寫生神妙到毫巔
黃芝楊雨先輩難專美
驂斬

驂騮欲度前

永嘉山水秀寰中移入生綃奪化工
近法勉軒項遠宗憲姜知君

研鍊有深功

篆刻於今非小技字原精究貴多聞
鼎鐘彝器編摩後別體精研

龜甲文

近來漫浪新成派藝海生瀾勢欲頽
偽體別裁歸雅正扶輪端仗

出羣才

丙子重陽洪潛園黃胥庵高性樸同游三嶼山有詩唱酬寄

此和之

九日重游三嶼山江鄉且喜故人還

胥庵新自都中回

菊樽萸佩囂塵外

海色天容几席間隔歲吟情今尙記登高眼福我偏慳

余以目病未能赴約

羣公眺覽多新句總爲神州淚暗潛

題周之庠小照

記曾橫舍談經日忽忽流光三十年我已蹉跎成白首君今荏苒

亦華顛從戎檄佇千言草濟衆碑聽萬口傳慚愧吾立終覆瓿重

煩縱臆續前編

壽戴守雅六十

讀書讀律漢晁董柱後冠峨仕學優誰謂法家矜鈇析從來儒術

自風流高文藻耀連篇富遺愛棠陰幾處留寧止于公稱大壽名
山著述足千秋

李君佩秋以尊人孝笙先生寫校九通目錄失去復還賦詩

誌感作此和之

手校楹書付鯉庭當年藜杖照深青幾經點畫讎三豕何意蒼茫
攝六丁合浦歸還憑友好名山呵護有神靈可能授梓貽來哲得
讀遺編式典型

贈董品三

利人濟物作良醫適性陶情自詠詩夜習岐黃探奧義朝披元白
領新詞每當珠玉吟成候正是刀圭罷劑時回憶山中酬唱侶絕

塵誰得與肩隨

君嘗與品蓮上人輩相唱和

戲雪篇和黃巖任心尹重

任子示我戲雪篇乙亥季冬日己丑祇今時過境已遷讀之猶覺
寒威陡風人詠雪歎灑灑見覘曰消詎能久以此取譬世事奇頃
刻白雲幻蒼狗長安戒寒風正嚴蓬蓬初出土囊口倏忽雲頭起
礮車陰吹連空齊鳴吼驀然玉龍戰郊野鱗甲紛紛耀林藪爾時
鬱華訝潛曜埃盭彌天暫含垢八表同昏舉國驚戰慄號呼相奔
走天怒一震霹靂聲掃盪陰霾徹昏黝飛廉豐隆各奪氣滕六遶
巡亦孔醜當陽用命古有訓湛露且晞失濃厚矧茲立陰挾勢驕
突地漫天寧可狃我願大地轉陽和消盡餘寒歸何有春臺有衆
登熙熙南檐曝背容老叟步塵效作游戲詞持示任子其唯否

梅冷生自陝變後歸周季材吳天五爲集宴酒樓鄭伯瓊有

詩作此和之

戎馬關山後歸來喜可知一樽仍共敘千里慰相思世事驚棋弈

風塵感鬢絲澄清范孟博攬轡更何時

壽劉祝羣六十

與君別幾何問年倏六十締交卅載餘精誠通呼吸憶余戊戌歲
珂里仙源入喜登李膺門得下陳蕃榻君時出就傅蓮城方鼓篋
癸卯在武林傾蓋致欽挹別後君遠遊扶桑勤負笈歸來再握晤
甌庠屈承乏自茲兩閱歲道義相講習君又別娶去繼廢蓼莪什
寤寐常繫思停雲增悵悒嗣聞代議選名流廣推納余猶滯郡庠
歲時占簪盍無何九鼎移正朔更秦臘當軸攬英才青萍遂出匣
松陽綰銅綬鄞縣宰劇邑余適來杭垣更得墜歡拾君再遊江左
余歸羽翰戢自是各睽違六周寒暑帀庚申君歸田相逢笑車笠
侵尋復六載柴扉忽見及遠道荷隆貺爲我祝周甲盤桓三日餘
驪駒悵難繫一別又七稔鹿城手重執知君誦祖芬祠墓先人葺

石門懷遺迹題詠徧蒐輯近荆南田志高文成巨冊百丈羨瀑流
展擬重游蠟誰知萑苻盜攻剽來相襲方興烏屋嗟更痛鴿原急
避地來永嘉相對共嗚咷敝鄉接閩壤寇警亦稠疊君得返城居
我尙還鄉怯丙子今孟冬莫生十三莢君來祝古稀爲我川途涉
十九君弧辰瓊琚愧報答相勉惟贈言不覺辭雜沓子我日初昃
志氣未衰茶丁茲亂離世棟棟凜僑壓旣憫人心危重憂時事岌
富教講本原權謀謝掉闔願上龍門書當塗誰引汲逝將老河汾
潛心修大業名山倘有傳景運可重闢暫爲玄豹隱莫向麒麟泣
記取古人言不朽在三立

題寒川樓靜坐清吟圖

王君寒川以所夢授人作圖嘗自題寄意

羸顛劉蹶幾中原頌洞風煙八表昏惟有遐心陶靖節自將仙境

寫桃源

是真谷口是商顏一角山樓吟眺閒莫笑此圖勞夢想華胥原不
遠人間

謝雪仙以雪鰻見詒賦此答謝

笑予眼纈昏花甚喜見長魚爲乍明此味兒時誇一櫛老來得飽

送香杭

平陽順溪產此鰻幼時曾得食之

乃祖曾詒孫太僕霜筠雙掩入吟篇我今又拜文孫賜韻事重賡

五十年

君祖文波先生饋魚事見遜學齋詩續集

次韻奉酬郭嘯麓先生天津

丁丑

彤襜爲別久問訊及巖阿吳市懷梅福荆山感卞和竹驂遺愛在
葭水繫情多捧袂知何日通辭託素波

滄桑經劫後沕穆羨皇初共話林間叟忘機海上漁不知人事改

祇覺世情疎厚意難裁答低徊隔歲書

瑞安陳縣長

成

爲祖母王太夫人百齡紀念屬賦

緯縻憂切關家國巾幗偏能大義明爲賦小戎教敵愾未容令伯
得陳情千秋樹碣恩初報兩世存孤淚幾傾寄語慈孫仍努力還
應家祭告昇平

丁丑春月戊社雅集鼇江念廬爲十周紀念次志澂韻

干戈滿地此何年白首相逢劫外仙弈局怕聞天寶後詩篇忍說
義熙前各驚秋鬢霜千點又見春江月十圓諸子聲華今落落姓
名他日待誰傳

潯陽棲隱共追歡彭澤當年早去官世外容身尋橘樂酒中有國
擬槐安年年社集先爲主月月詩盟要未寒莫使差池嗟臭味秋
蘭爲佩菊爲餐

酬陳雁迅

時肄業無錫國學專修館

羨君道敞文衰日負笈從游得大賢門及昌黎追李漢詩箋魯直
補任淵祇慚炳燭餘明少敢冀名山大業傳遙企河汾今講學元
經指授續麟編

魚化石歌爲周之庠作

吾聞昔人求魚戒緣木况乃索之深山與窮谷如何剖取石一卷
中具魚形頭尾腹或謂此魚戲水中影入石壁嵌玲瓏積久成形
如刻畫巧奪鬼斧將神工予聆此語不敢信石質非比芝泥印矧
魚遊戲不暫停那得留形在一瞬剝膚見骨事尤奇肋紋乙乙無
差池寧有影能照骨不照肉此理狂夫猶阻之或謂造化迹變遷
最奇詭物質有定流融結由火水火山爆裂熱汁鎔冷凝爲石高
穹隆水沙衝刷沈泥滓堅結成巖兀然峙爾時動物陷其中體骸

未毀僵尸同經千萬年質隨化呈此天然工巧思議窮予思飛潛
動植各殊性一例體僵成固定以此權衡兩說間後者差視前者
勝予昔扶桑三島游院經博物恣尋搜大魚化石形喙具何似此
石毫秒窮雕鏤又聞石魚山見水經注鱗鬣刻鏤體皆具今茲目
驗正與同始信古記流傳非無據此石產何地諸暨五洩山此魚
化何年問石石終頑周子列之几席間徵予作歌究其原予欲喚
起山靈訊顛末其如連峯疊嶂空巘岬

丁丑春禊和郭漱霞

重修禊事續蘭亭敢侈東南聚德星九老情懷融水乳卅年踪跡
話雲萍欲談時事惟增慨且誦篇章共靜聽行樂只須文字飲吾
儕非復鬢毛青

壽胡衡臣五十

卅年槐舍分攜後一笑相逢五十身
顧我江湖淹歲月念君南北走風塵
金銀異氣窺山澤君曾習鑛物學
桃李新陰徧浙閩攬轡出門剛
艾服敢誇吾道有傳薪

壽陳鯨量六十

詩筆淋漓橫海樓元龍豪氣世無儔
卻看西第皆新主自笑東陵老故侯
卅載功名驚歷劫千聲梵偈悟浮漚
君持密宗腐儒白首猶佔畢曾記扶桑共勝游

題池君仲霖綺山閣

滿閣浮青近傍山置身疑在畫圖間
晴雲嶺上看舒卷幽鳥林中任往還
載酒問奇賓不雜著書賣藥意常閒
南窗寄傲聊容膝彭澤高風未可攀

偕甌風社同人登仙巖陳止齋先生讀書臺

止齋遺有讀書臺想見當年講席開伊洛危微宗未墜永嘉經制
學彌恢淵源追溯思前輩薪火能傳待後來詒善祠空求志歇

孫太

僕有詒善祠課約陳介石丈
剏求志社皆紹陳葉之學吾儕登眺幾徘徊

丁丑端陽雅集和郭漱霞

改朔人間歲月新江樓暢敘舊嘉辰鄉風猶記天中節吾輩原爲
物外身生子誰家名鎮惡逐臣自古弔靈均禴祥得失今休問且
引蒲觴漫入脣

送郭漱霞之上海

招我蘭亭修禊日餞君荷榭納涼時琴樽雅雨聯今舊萍水輕風
悵別離世事每驚秋後擗生涯且撫鬢邊絲羨君大隱吾廬好

君所

居里曰
大隱廬佇話桑麻把酒卮

拙集編成感題卷末二首

少牽俗學老因循七十流光弱草塵得失違論千古事蹉跎已誤
百年身敢將魚目希欺世祇媿豬肝慣累人一著平生差自信尙
無劇美到秦新

破碎河山百戰中著書閉戶一衰翁窮愁無補人間世歌哭奚收
紙上功多壘四郊思翦牧折衝萬里問鼂終散懷起攬園林勝滿
地秋聲叫候蟲



温州市图书馆

WENZHOU LIBRARY



温州市图书馆

WENZHOU LIBRARY

